

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

- 1. Sooruna angallatit qaleralinniutit anginerit pisassaminnik ilanngartuiffingineqartut?**
- 2. Sooruna angallatit qaleralinniutit anginerit pisassaminnik ilanngartuiffingineqaramik nassuiaammik pissarsinngitsut?**

(Kristian Jeremiassen, Siumut)

### **Tunnqavilersuut**

Siumup nunatsinni siuttuulluni aqutsilernerani Naalakkersuisoqarfiit ajornerpaamik ingerlatsiviusoq maannamut sulii ajornerpaamik ingerlatsinini ingerlateqqiinnarpaa, naak Inatsisartut ukiaq ataatsimiinneranni Siumup iluani sakkortunerpaamik Aalisarnermut Naalakkersuisoq aaqqqeqqullungu peqquneqartaraluartoq.

Aalisartut anginerusunik angallatillit ilanngui pisassakareersut allaat ilanngartuiffingineqarput. Siumut qineqqusaarami qineqqusaarutingivaa nunatta pisuussutai atorluarneqassasut, aalisartut aamma aalaakkaanerusumik aalisartinneqassasut. Qineqqusaarutigut ilungersuunnagit maannakkut Aalisarnermut, Piniarnermut Nunalerinermullu Naalakkersuisoq ingerlatsivoq, soorunami tunulequtaasugut naammaginnikkunnaarnissarput qanilliartorpoq.

Angallatit anginerusut isertitassatik soorunami siumoortumik naatsorsuusiortarpaat maannakkulli pisassat nassuiaatitaqanngitsumik ikilineqarput, taamaallaat pisassaasa amerlassusaasa kisitsisai ikileriartiinnarlungit. Taamaammat paaserusuppara sooruna pisassanik ilanngartuisoqartoq. Aammalu aappaattut paaserusuppara sooruna nassuiaatitaqanngitsumik pisassat ikilineqartut taamaallaat pisassat amerlassusissaasa kisitsisai nassiuunneqaannarlutik.

Qaleralittassanik illuatungaaniit illuatungaanut nuussisoqarsinnaanngilaq tamanna illuatungiliuttuugallaratta sulissutinginikuunngilarput, umiatsiaararsortut qaleralittassaamut amerlineqarniarpata amerliniarsigit angallataatilinniik qaleralittassaqaareersunik ilanngartuinasi. Angallataatillit qaleralittassaamut naleqareerput aningaasallu angallataatillit pisariaqartippaat utertinniarsigit aningaasaqarnikkut atorfissaqartippaat.

Apeqquteqaatikka ullut suliffiusut qulit qaangiutsinnangit akineqarnissaat piumasarivara.